

Nuair a thig an àm do bhradain brìeadh, tha iad a' dèanamh an slighe air ais às an fhairge chun an allt far an do rugadh iad le bhith a' leantainn fàileadh an uisge. Bithidh iad a' snàmh astar fada, uaireannan suas ri 1500 Km an aghaidh sruthan làidir agus easan agus feumaidh iad a bhith air am faiceal bho nàimhdean. Tha iad a' siubhal 50 - 100Km gach là.

Tha na bradain fireann mu 1M a dh'fhad, beagan nas motha 's nas truime na an fheadhainn bhoireann. 'S dòcha gu ruig iad 1.5M agus 36Kg, agus chaidh cunntas fhaighinn air fear a bha 46Kg. 'S àbhaist dhaibh a bhith beò eadar 4 is 6 bliadhna ach chaidh cunntas fhaighinn air feadhainn a bha 10 bliadhna a dh' aois.

An dèidh dà bhliadhna tha an lannan a' fàs airgeadach agus 's e fionnagan a th' orra. Tha iad a-nis a' tòiseachadh a' gluasad chun na mara nam buidhnean mòra.



An uair a lorgas iad an àite ceart anns an allt àrd eu-domhainn, tha iad a' lorg cèile. Nì am bradan boireann lag anns a' mhorgan air grunnd na h-aibhne beiridh i a h-uighean. Cuiridh am fear fireann an uair sin lionn bainneach geal air an uachdar airson an dèanamh torach agus cuiridh iad morghan air an uachdar. Nì iad seo ann a dhà no trì dhiofar àiteachan. 'S dòcha gum breith bradan 40,000 ugh ann an sèasan.



Tha an fheadhainn òga a' tighinn às na h-uighean an ath earrach le balg-bidhe ceangailte rim mionnach.

Mar a tha an fheadhainn òga a' fàs nas motha, tha am balg-bidhe a falbh agus tha iad a' tòiseachadh ag ithe meanbh-fhrìdean. Tha iad a-nis mu mheud meur duine agus 's e gille-ruadh a th' orra.

